

樂

府

遺

音

樂府遺音序

古人之詩如今之歌

可協之聲律故可用之閨

門鄉黨而達於邦國以感發人之善心而懲創逸志
其有關於世教非小小也迨夫周室陵夷詩廢不講
而世俗之樂流於淫僻詩樂始岐而為二至漢高祖
有房中歌十七章武帝定郊祀之禮乃立樂府采詩
夜誦有趙代秦楚之謳凡歌詩二十八家二百十四
篇此樂府之始也下迨魏晉唐宋始以詩詞為樂府
多述民俗之事矣然大率作於文人才士而非采之
里巷者也其於古人勸懲之意微矣鄉先達存齋瞿

先生自少英敏負雋才無書不覽靡學不通而尤長於詩詞通音律其所作樂府皆可詠可歌

愛之敏政每以宦遊東西不獲儀範為恨今致

仕歸乃獲聞其制二於交游間適先生猶子遲

携樂府遺音集過予曰先伯遺文甚多知者往往來索觀酬應弗給也今將以是集刊梓以應朋友之求幸先生有以序其首予曰先生之文當世所重也顧予何人而敢犯運斧郢門之譏乎於是辭之再辭之三而遲不予諾也乃伏而讀之則見其五七言古近體可與唐之儲王諸作者並駕而長短句南北詞直

與宋之蘇辛諸名公齊驅非獨詞調高古而其間寓意諷刺所以勸善而懲惡者其往往得古詩人之遺意焉是集一出天下之士莫不爭先快觀其傳世垂遠也必姑書此以塞遲請且致景仰之意 字

德宣少居京師能走四方懋遷有無以奉其親殖其家而侗儻仗義善交士大夫

中朝名公貴人莫不愛而重之晚年以先塋在杭不可遠離與其兄德恭歸錢唐既徵文立碑以顯其先德復營宅置產以居其弟昆其於先生遺文若興觀集若詠物詩若剪燈新話集覽鐫誤俱已刊行其餘

蓋將次第刊之未已也吁若德宣者其可謂富而好
禮者歟因併及之

天順七年歲在癸未仲冬吉旦

賜同進士中議大夫南康府知府致仕同郡陳敏政
序

樂府遺音序

樂府遺音

錢塘存齋瞿佑宗吉

南詞

滿庭芳

西湖夜泛

露葦催黃煙蒲駐綠水光山色相連紅衣落盡辜負
採蓮船點檢六橋楊柳但幾箇抱葉殘蟬秋容晚雲
寒雁背風冷鷺鷥有華筵容易散愁添酒量病減
詩顛况情懷冲澹漸入中年掃退舞裙歌扇盡付與
一枕高眠清閑好脫巾露髮仰面看青天

賀新郎

題秦女吹簫圖

風露非人世正良宵月華如畫雲開天霽十二臺高
無人到只有彩鸞飛至便同跨博風雙翅手弄參差
瓊玉琯向曲中吹出求凰意霄漢上共遊戲祥飈
浩蕩吹香袂任釵橫鬢亂嬾把粧梳重試償盡平生
于飛願到處相隨尤殢果然是赤繩雙繫天若有情
天也許願人間夫婦咸如是歡樂事莫相棄

沁園春

詠鞋五

一掬嬌春弓樣新裁蓮步未移笑書生量窄愛渠儘
小主人情重酌我休違醞釀朝雲斟量暮雨能使麴
生風味奇頻分付慎莫教浣却酒暈淋漓傳觀到

手爭持便豪吸狂吞不用辭任凌波南浦惟誇羅襪
賞花上苑共飲瑤卮綾帕高擎銀瓶低注全勝翠裙
深掩時華筵散柰此心先醉此恨誰知

滿庭芳

友有過而不諧戲為賦此末句寓其名

慢引紅絲臺擎玉鏡佳期頻卜花鬢買春無價百斛
糴明珠莫道藍橋路遠但移步即是仙都親曾見雙
鬟初合雲鬢未忺梳歡娛能幾許目成眉語淺笑
輕吁柰風吹幕動月射窓虛彼此魂消腸斷恨無計
略與躊躇空歸去書房冷落臨帖寫官奴

齊天樂

題茹雲谷夏日幽居小景

幽居占得林巒好門前一川新漲檻影迎鷗簷光送
鷺終日被風搖蕩汀洲在望愛淺碧粼粼老魚吹浪
一點炎塵料應不到釣臺上雖無四隣依傍有青
山遶屋自成屏障客抱琴來相逢大笑拋下手中筇
杖君彈我唱便旋網溪鱗新篘家釀弄盞傳盃為君
添飲量

一剪梅

舟次渭塘書所見

水邊亭館傍晴沙不是村家恐是仙家竹枝低亞柳
枝斜紅是桃花白是梨花敲門試覓一甌茶驚散
群鴉喚出雙鴉臨流久立自咨嗟景又堪誇人又堪

誇

念奴嬌

悼友人陳鼎歿于閩中妓館

海山何處嘆人間別有芙蓉城闕霧閣雲窗深幾許
獨駕青驪超越香藹雲屏被翻錦浪波捧龍綃襪鏡
鵲舞罷半簾燈影明滅誰信一飲瓊漿玉山自倒
魂逐驚鴻沒瘴雨蠻煙歸夢斷愁滿空梁殘月疇昔
相期殺雞炊黍中道成長別故山秋晚何人共採薇
蕨

南鄉子

嘉興客館聽陶氏歌

簾捲水西樓一曲新腔唱打油宿雨眠雲年少夢休

謳且盡罇前酒一甌
明日又登舟却指今宵是舊
遊同是他鄉淪落客休愁
月子彎彎照幾州

風入松

夏日李氏池亭

曲闌干護小池塘新綠漲
泱泱浮萍破處雙魚躍
驚飛起花底夾楊柳
渾如舊識芙蓉好似新粧
石屏藤簾竹方床
簷影映波光向南簾箔
高低捲爐煙動沉麝
飄香不用輕搖紈扇
風来自有微涼

踏莎行

秋夜

涼露階除西風臺榭
葡萄落盡惟空架
數行燭淚畫屏秋
一方月色中庭夜
蛩韻淒清螢光高下
畏寒

牢褱吳綾帕木犀花底立多時待他後院燒香罷

蝶戀花

墨萱為張克敬題克敬與予皆無母

落盡嫣紅春不管長養薰風萬綠盈庭苑
若箇花枝偏入眼釵頭么鳳黃金軟
悵望高堂人去遠浪說忘憂無計能排遣
採得一枝徒戀戀雨昏煙暗年華晚

南鄉子

罷釣扇面為張麟題

嘉樹蔭清流知是吾鄉某水丘遊遍江湖今已倦
歸休笑指蘆花古渡頭風月一扁舟拋下綸竿撒下
鉤波浪不生塵不起清幽相近相親是白鷗

長相思 詠蓮

蓮葉東蓮葉西兩兩魚梭戲碧溪東西路易迷一
花高一花低同受恩波出淤泥高低不並齊

南柯子 舟次湖州

古郡山連野長溪水貫城駱駝橋下舊經行曾聽小
樓人弄玉簫聲綠葉成陰後青春結子成重來雖
未隔三生堪恨茶煙吹滿鬢絲輕

生查子 二首 春詞

東風何處來湍地梨花謝燕子不知愁並立鞦韆架
無人獨倚闌膽小多驚怕堯上鳳頭鞋掉下鮫綃

帕

煙消爐內香兩滴簷前水蕩子不歸來悶把屏山倚
閑調綠綺琴碎擘紅牋紙愛殺太平錢心在團圓
裏

木蘭花慢

金故宮太液池白蓮

記前朝舊事曾此地會神仙向鴉鵲橋頭花迎鳳輦
浪捧龍繁華已成塵土但一池秋水浸長天白鷺曾
窺舞扇青鸞慣逐吟牋多情惟有舊時蓮照影夕
陽邊甚冷艷幽香濃涵晚露淡抹昏煙堪嗟後庭玉
樹共幽蘭遠向汝南遷留得宮牆楊柳一般憔悴風

前

南鄉子 題折枝粉紅山茶

嘉樹雪中芳，濃綠枝頭逞艷陽。歲晚自矜顏色好，端
相剝粉殘，脂滿面妝。誰與共冰霜，白玉梅花紫瑞
香。揀得一枝偏耐久，叅詳留待春風伴海棠。

鷓鴣天

二首

吳江村中

塍壠相連水四圍，雞埘豚栅傍柴扉。休耕父老糲糊
醉失學，頑童薺董肥。楓葉浦，荻花磯。白鷗低拂釣
船飛。夕陽牛背真堪畫，載得昏鴉幾箇歸。
酒熟雞肥不用錢，菱腰豆角上盤筵。釣來溪鱖長如

秤摸得田螺大似拳
丹橘賤白魚鮮
西風千里菊
花天官租納罷
私租畢便是儂家快活年

卜筮子暮春

雙鵲喚春來
雙燕嘶春去
春來為底忙
有似波光注
一陣而催花
一陣風吹絮
惟有啼鶯不負春
強要留春住

巫山一段雲 二首 夏景

陣陣荷盤雨
絲絲柳線風
石榴顛倒落
殘紅萱草綠
成叢
蚱蜢雙跳遠
螳螂獨步雄
翩翩胡蝶喜相逢
飛過畫闌東

扇上乘鵞女屏間跨鶴仙博山香裊水沉煙飛燕蹴
箏絃珍簾波紋細風車月暈圓銀瓶引綆汲新泉
培養並頭蓮

沁園春

觀三國志有感

爭帝圖王地老天荒至今未休記東都已覆聊遷許
下西川未舉暫借荊州天下英雄使君與操生子當
如孫仲謀三分鼎問誰能染指孰可同舟一時人
物風流笑忠義何人如武侯看文章二表心惟佐漢
縱橫八陣志在興劉底事陳生為人乞米却把先公
佳傳酬千年後有新安直筆正統尊周

蝶戀花

餘清樓納涼夜坐

鐘報黃昏賓客散，惟有薇花相對如相伴。玉露灑灑浮碧漢，飛星一道金繩斷。簾外風來香縷亂，月轉西廂不覺東。廂暗幽夢欲成，將夜半隔窓又被雞聲喚。

漁家傲

壽楊復初先生

喜來不涉邯鄲道，愁來不窺沙門島。惟有村居閑最好。無事忙，苔階竹徑頻頻掃。有酒可斟琴可抱。長年擬看三松倒。白內靈砂親自搗。歸隱早，朝廷未放玄真老。

復初以村居自號凌先生彥卿壽以漁家傲詞復
初從而和之邀予繼和按此詞舊譜皆以仄聲起
歐公呼范文正為窮塞主之詞首句所謂塞上秋
來者正此格也他如王荊公之平岸小橋千嶂抱
周清真之幾日春陰寒惻惻謝無逸之秋水無痕
清見底張仲宗之釣笠披雲青嶂遠亦皆如是今
二公起語以平聲易之予迫於酬和不敢有違特
著於此以俟知音者詳云凌詞云采芝步入南山
道山深宛似蓬萊島聞說村居詩思好還被忙蒼
苔滿地無人掃載酒亭前松合抱客來便許同傾

倒玉兔已將靈藥搗秋意早月華長似人難老楊
和韻云當時承望求仙道那知薄命如郊島留得
殘生猶自好多懊惱塵緣俗慮何時掃子已成童
無用抱醉眠任使和衣倒今歲砧聲秋未搗涼氣
早看來只懼中年老

桂枝香 七夕和楊文卿韻

梧桐過雨喜一霎晚涼消盡煩暑還又風傳鵲信星
移斗渚明河無浪浮槎穩望天涯便思輕牽夜香燒
罷茶甌飲罷因甚延佇把漏點更籌慢數儘通夕
歡娛能得幾許徙倚雲屏重省寶釵私語天孫應自

貧歡會便千金一刻難與怎能閑把工夫伴他世間
兒女

又文卿和荅再用前韻復之

西山暮雨愛枕簟自涼無汗無暑何況風來水殿雲
飛江渚銀河漲湍相思淚看中宵兩旗開牽輦扶雙
鳳橋成衆鵲休用停佇料此際恩情共數便鏡約
釵盟生死相許會少離多惆悵目成眉語靈官催曉
金雞唱恨流光未肯輕與又將霜月嬋娟闌他素娥
青女

又初度日用前韻自壽

春風夏雨又過了幾番輕冷輕暑閑看人間城郭江
間洲渚身如遼海歸來鶴漠興亡已難枚舉案頭書
在床頭酒熟容我閑佇喜舍外青松堪數問前度
桃花今在何許明日中元猶記宋賢詩語生辰偶共
萊公合任功名富貴輸與也無一束青綾也無兩行
紅女

又十六夜雨過月出納涼夜坐再月前韻

輕雷送雨雨過處更無些子秋暑堪愛團團皓月東
生江渚今宵預作中秋賞到中秋此歡重牽露涼風
冷星移斗轉光彩頻佇望桂影婆娑可數把玉斧

重脩天也應許獨酌庭前四座有誰同語何如乘此
清風去去蟾宮靈藥求與不知今夕何年再三問他
仙女

又秋懷用前韻六首答楊文卿願中道二友

珠簾捲雨渺萬里素秋無復炎暑惟見棲鳥遶樹來
鴻遵渚交游零落繁華過過良辰有誰興幸故宫禾
黍長江波浪那更愁佇把自古賢豪歷數便伊呂
勲庸何似巢許誰更求名著就陸生新語維摩病後
心情懶但蕭然丈室容與不將經卷閑閑引他散花
天女

闌風伏雨盡四海八荒驅退殘暑偏稱開樽月地按
竿煙渚年來自喜狂心減敢呼他大兒文舉菊松三
徑圖書四壁聊共觀佇任當道群賢不數儘布襪
青鞋歡樂自許結友漁樵習得賀公吳語全家受用
清閑福願天公此福多與挽鬢自有頑兒画眉豈無
嬌女

纔晴又雨直恁地不容些箇餘暑催得鱸魚上網蓴
絲浮渚來鴻去燕知時候向西風羽毛騫舉草埋幽
徑山圍故國何處遊佇幸則幸才名莫數喜則喜
清閑造物曾許遠害全身一點勝如三語人間自有

長生術但心平天也應與底須尋訪蓬萊採芝去煩
童女

拿雲握雨儘用盡智謀無地逃暑爭似移床竹徑乘
舟蓮渚他時只恐秋風怒又還將茅屋掀舉百川東
逝雙輪西墜光景難佇試屈指從頭自教便武似
孫吳文似燕許事業聲名總是一場虛語何如醉飲
花前酒有清風明月分與豈能重說兵機討論九天
玄女

斜風細雨漸歲月逼人消減隆暑還見雲歸越岫波
澄吳渚年來三傳登高閣抱遺經不求科舉太公溪

上龐公壠上耕釣堪佇
嘆小器何須筭數愧社友
鄉翁過矣稱許道拙才踈學問止於論語齋居冷落
交游少但參乎點也吾與不曾為宰中都任誰受他
齊女

虹光截雨為甚事晚來渾沒些暑無柰風搖野樹潮
吞洲渚平生臨水登山興嘆新來此歡慵舉客還知
否吾衰久矣誰肯迎佇喜姓字無人薦數尚不識
真卿何況張許里社浮沉老圃老農相語同時校尉
封侯盡問將軍射獵誰與短衣匹馬山中往來但逢
毛女

西江月 妓朱觀奴營造求題疏

傾國傾城美貌為雲為雨芳年金沙灘上舊因緣重
到人間示現欲構雲窗霧閣柰慳寶鈔金錢諸公有
意與周旋請看桃花好面

如夢令 題柳塘小景画

為憶凌波微步行過柳塘深處不見採珠人又把佳
期辜負歸去歸去粘得一身飛絮

望江南 四首 為太原陳璽千戶賦西湖景

西湖景春日最宜晴花底管絃公子宴水邊羅綺麗
人行十里按歌聲

西湖景夏日正堪遊金勒馬嘶垂柳岸紅粧人泛採
蓮舟驚起水中鷗

西湖景秋日更宜觀桂子崗巒金粟富芙蓉洲渚綵
雲閑爽氣湍前山

西湖景冬日轉清竒賞雪樓臺評酒價觀梅園圃訂
春期共醉太平時

念奴嬌 王編脩汝玉和東坡赤壁詞因續賦此

白鷗飛過問滄波深處竟藏何物折戟沉沙沙岸畔
一帶山如城壁追想當時二龍爭戰濤浪翻晴雪東
風着意為誰成就雄傑 曾似後日坡仙登高吟賞

月
羅扁舟宵發桂棹蘭漿向中流笑指波光明滅露氣
橫江簫聲裊夜醉色侵眉髮文章光歛至今猶掩秋

汝玉詞云楚天秋暮尚依舊前度山川風物江上
行人猶指點當日曹公敗壁百萬雄兵縱金伐鼓
震起潮頭雪東風何事等閑分付英傑回首人世
流年不知春幾度花殘花發霸氣雄圖到而今空
與秋雲消滅老去蘇卿為誰情獨若鬢添愁髮消
磨今古一輪天際明月

浪淘沙

端午李尚書至副招飲

不見石榴紅重舉蒲鍾異鄉節物故鄉同祇有客懷
全不似冷落孤蹤萍水偶相逢各訴情衷行厨特
設對薰風說到賜衣并賜扇曾受恩濃

臨江仙 雨夜

客裏頻聞連夜雨不堪滴碎鄉心未秋天氣已蕭森
梧桐深院靜楊柳小窗陰短夢不成還又覺起來
坐擁孤衾殘燈無獸漏聲沉何須量海水方信客愁
深

風入松 七夕

新虹收雨暮天晴河漢倍分明梧桐葉底金蟬噪驚

飛起點點流螢天上橋成烏鵲人間綵結雲牋幾
家瓜果設中庭銀燭照娉婷晚涼浴罷殘粧在花枝
顫髮亂釵橫但願長如此夜也應勝似雙星

卜筊子 雨後涼意

龍掛北山雲虹截西村雨雨後斜陽弄晚晴幻出霞
千縷開戶納新涼把扇驅殘暑骨冷魂清夢寐安
睡到東方曙

西江月 甲午元夕

隔院簫聲斷續當庭燭影熒煌疎星淡月弄輝光做
箇元宵模樣夢裡家鄉不遠愁邊夜漏偏長恨無

八翼可翱翔徑到吳山頂上

糖多令 早飲王編脩所惠吳中橙湯

鐘鼓送殘更雞聲報曉晴舊衾寒骨冷魂清好夢覺
來渾忘却慵梳理髮星星宿酒未全醒安排自解
醒向壚頭湯點香橙飲罷仙風生兩腋全勝似煮茶
鐺

行香子 暮景

啼罷林鴉鬧罷池蛙樹陰中散罷蜂衙漏聲未動禁
鼓初撾對一爐香一簾月一甌茶看盡殘霞數盡
飛花小樓東掩盡牕紗睡魔不到詩思偏佳問酒存

乎琴在否客來麼

水調歌頭 乙未初度日自壽

六十九年我老作塞垣民更無官守言責依舊一閑
身試把光陰屈指明日中元到也不覺遇生辰罇酒
自相慰誰主復誰賓對蓬萊思往事獨傷神遙知
妻子垂念坐久嚏聲頻四度儒宮設講六載王門効
職賀客競來親今日異前日聊且任吾真

臨江仙 丙申二月壽王理都司

雙燕飛來傳好語佳辰喜近春分壽星一點照轅門
祥煙生萬竈和氣溢禾屯早見安邊功業就長生

永受 皇恩雲臺畫像表元勲年年當此日再拜獻
芳罇

糖多令 九日登保安城樓

千里塞垣秋風沙滿戍樓望天涯何處吾州雁青漁
沉音信斷空一片暮雲浮 佳節尚淹留妻孥念我
不數年來弊盡貂裘採得黃花誰共賞將破帽自籠
頭

木蘭花慢 秋晚城南閑步

向郊原散步知歲月又秋深莽衰草寒煙汀蒲掩翠
野菊堆金荒村悄無人跡但一渠流水遠城陰落日

群鴉聚散長空孤鳥消沉
漁樵舊侶杳難尋袖手
自微吟對湍目青山橫岡斷壠枯木喬林峯巒四圍
環遠恨重重隔斷故鄉音安得身生羽翼搏風飛過
遙岑

風入松 十月度蘇麒指揮壽

碧天開霽塞雲收新雁過樓頭小春時候陽和轉廳
街下五葉棠抽東閣梅花向暖北堂萱草忘憂少
年錦帶佩吳鉤談笑覓封侯佳辰喜見高朋會歌聲
動樂意綢繆願得長斟壽酒年年來捧金甌
浪淘沙 東隣許晟鎮撫讓送地址作此謝之

小屋兩間兒上漏
傍歌夜寒一榻自相依
不是高隣
能讓畔無地容錐
推倒舊藩籬
重打牆圍
天光開
展日光移從此吟風并弄月
事事皆宜

臨江仙
賀馮源太守得子

春景正當三月好
尋芳莫恨遲遲
風輕雲淡是佳期
綠陰初長處
青子乍生時
畫閣繡簾佳氣滿
蘭湯香透重帷
犀錢玉果總相宜
願隨湯餅客
來寫弄璋詩

木蘭花慢
鄭欽長司誕日適逢任滿之期奉賀

望雞鳴山色和氣勢
與秋高正清景
將中金莖露潤

丹桂香飄遙瞻瑞雲開處見壽星一點在青霄四境
歌傳善政群仙來獻蟠桃三年撫字寸心勞贊政
試牛刀喜閨市開張田廬展布民業豐饒馬前綵旗
搖動又着鞭去赴紫宸朝願祝功名遂意持盃湍
勸香醪

金菊對芙蓉 重陽日感懷

嫩菊含英枯楊墮葉四郊濃露凝霜正寒鴉作陣朔
雁成行佳辰又值登高節柰暮景漂泊他鄉稀疎短
髮倩誰整帽顛倒衣裳追想舊日風光向畫堂深
深綺席高張對詩朋酒友儘踈踈狂誰言不敢題糕

字肯辜負橘綠橙黃如今困掩衡門悶來獨自持觴

臨江仙

戊戌元夕有懷

憶在故園三五夜
譙樓画鼓聲催夜香燒罷角門開
竹間風漸瀝花上月徘徊
燭影燈花相映處
鬧蛾飛撲香腮
如今魂夢隔陽臺
盡將千萬事都付兩三盃

踏莎行

歲晏與鄉人同飲

雪意將成雲容久布
風聲不斷連朝暮
殘年那有看花人
劉郎莫用嗟前度
草草盤筵匆匆禮數
天涯喜得逢親故
盃行到手不須辭
知音况有周郎顧

浪淘沙 除夕偶成

古戍響悲茄，驚散林鴉。凍雲重疊護霜華。天上北風應更猛，斗柄吹斜。坐久自烹茶。重卜燈花。粃盆爆竹是誰家。明日新正須早起，笑整烏紗。

千秋歲

薛謝趙尚書等

夕陽衰草相對，光陰老。謀事拙，拙身早。床頭惟酒甕，案上皆詩橐。形影在底，須添箇。閑煩惱。夢覺邯鄲道。心在蓬萊島。雲雨跡，都除掃。全生為福壽，守分為珍寶。昏夜裏，布衾紙帳安眠好。

自罹罪謫，獨處困厄中，與妻孥睽隔逾十寒暑矣。

尚書趙公指揮高公太守馮公長司鄭公及諸隣
友憐其窮苦獨居皆勸以納妾戲作此謝之

滿庭芳 送保安州王福同知滿張

露菊堆金霜楓綴錦秋光此際偏濃三年政滿談笑
奏成功請看民居比屋遍城郭棟宇穹窿郊垌外田
園開墾禾黍慶年豐相逢皆喜色南閩東市白叟
黃童競攀轅挽轡滿勸瑤鍾共道欲留無計但注目
遙望行蹤西風順青雲路闊隊隊綵旗紅

蝶戀花 代人賀王同知滿張

紅葉黃花秋景暮躍馬揚鞭重指來時路滿眼青雲

宜欵步前程總是光榮處
三載功成民業富父老
傳盍童穉歌襦袴共說循良齊邵杜
宜家雅稱三槐樹

西江月

為方澤巡檢賦混堂

洞裏群仙輦集壺中一氣輪迴
溫泉香浸煖雲堆如
在寶珠光內
儘把形神點檢
仍將塵垢磨揩
彈冠拂袖
笑容開共道逍遙自在

浪淘沙
寒夜有懷

寒月自團圓誰共婵娟
故園梅樹想依然
玉骨冰肌知瘦損
辜負多年
獨擁舊青氈
戍鼓聲傳地壚無

火起茶煙一盞寒燈如骨肉相對愁眠

望江南

庚子元夕

元宵景淡月伴疎星戌卒抱關敲木杵歌童穿市唱
金經簫鼓憶杭城

元夕城市寂寥惟聞戌卒擊柝聲幼童數輩沿街
歌唱佛曲而已懷想故鄉慨然有作

菩薩蠻

春思

東風吹落桃花片雙飛瞥見新來燕簾影舞斜陽燒
殘暝鴨香徘徊簷柳下看拆鞦韆架目斷暮雲長
魚書墮渺茫

滿江紅 送馮知州滿帳

坐綰銅符黃堂靜香凝燕席山城內絃歌響應棠陰
如織水漲洋河饒灌溉田連鹿野宜耕植看向來東
陌與西阡廛居密關市上工商集丘壠畔魚樵息
喜民安俗阜政聲洋溢風引彩旗催去興雨滋綠野
流行色望紫宸朝罷便回轅脩前職

鷓鴣天

送尚城李主簿運糧畢還任

王事勤勞勉宦情輓輸千里赴行營車牛順便糧無
耗人馬平安政有成還舊治望歸程太行山色遠
相迎揚鞭遙指雲生處萬竈炊煙是芮城

望江南

四首

辛丑元夕

元宵景野燒照山明風陣摩天將半夜斗杓插地過
初更燈火憶杭城

元宵景巷陌少人行舍北孤兒偎冷炕牆東嫠婦哭
寒藥士女憶杭城

元宵景刁斗擊殘更數點夕烽明遠戍幾聲寒角響
空營歌舞憶杭城

元宵景默坐自傷情破甑三杯黃米酒寒窓一盞濁
油燈宴賞憶杭城

自興河失守後民多逃竄城市蕭索唱佛曲者亦

不復出學子王和侍寢因與話吾鄉風景之盛於
枕上賦望江南四闋歌以授之和南京直隸廣德
人省父來此相從數載矣年十六能通四書大義
工五七言律詩異日南還如詠此曲當記一時師
友相聚之好也

西江月

送山西澤州陽武縣丞趙選部糧畢還任

千里輓輸迢迢二冬行役勞動不虧國賦不傷民為
政存心務本途路同誇幹濟士民舉覺歡欣回轅
遙望太行雲共道賢哉戴尹

鷓鴣天

同前

遠運糧儲塞上城勤勞職事費經營山高路險心無
沮牛在車存政有成寒雪霽惠風生一鞭行色指
歸程到家正及春光好多少民人載酒迎

阮郎歸

同前

多年為治在山城民安政有成赴功趨事獨勞情奔
波在路程高嶺雪大河冰車行牛不驚糧儲納罷
復回廳頻聞笑語聲

點絳脣

同前

寒雪纔消土牛鞭罷春風起勤勞王事事畢今歸矣
共勸金盃滿飲休辭醉功名遂榮華富貴總是前

程地

南柯子 同前

倉廩交輸足車牛運載全
保安城下賀新年共把樽
罍酌酒薦華筵按曲歌金縷
題詩擘綵牋暖風晴
日艷陽天便整行裝歸賞舊山川

長相思 同前

車不摧牛不疲斛斗豐盈糧不虧
公勤人共知
來
有時歸有期正及春和風景遲
傾盃歌妙詞

畫堂春 同前

東風送暖雪初消
新年又遇燈宵
倉糧廩粟已全交

人事和調 來日鴻飛紫塞歸時馬踏青郊杏花村
裏酒旗搖少駐行鑣

浣溪沙

同前

王事賢勞衆所知轉輸邊郡事無違才能端的世間
稀 天井関前雲漠漠星軺驛畔樹依依人民喜接
使君歸

山西澤州陽武貳令趙選字大用部運糧儲至保
安赴衛倉交納訖事所屬吏民各製旗幟以贈因
予友劉存咸來請看語為賦小令八闋授之

畫堂春

壽李鼎指揮

天時人事共呈祥
南枝映雪芬芳清
虛軒下玳筵張
花燭紅光
將業鸞臺鳳閣
仙居玉室金堂
壽星一點照
灤陽福祿同長

望江南

雍凱以四景小画求題為賦
風光好四

風光好
款步共尋春
映水奇花紅濯錦
沿堤芳草綠
鋪茵啼鳥喚遊人

風光好
閑坐獨乘涼
執扇小童清似鶴
依林磐石穩
如床撲面芰荷香

風光好
眺望賞秋晴
泉出兩崖銀漢瀉
松生疊嶂翠
雲擎境界似蓬瀛

風光好扶杖過橋來四野土雲寒雪積一林香玉老
梅開前路是瑤臺

東風第一枝

詠宮人折梅圖

寶髻蟠鴉金釵舞鳳粧梳渾是宮樣來閑偷步瑤堦
愛他早梅開放重重門戶春色任教遮障想舊家茅
舍疎籬應是別來無恙風過處粉香輕颺人靜處
翠禽低唱殷勤手弄芳枝為誰含情凝望插花人遠
獨立翻成惆悵只除是夢裡相逢各自人間天上

沁園春

太師英國公壽誕

美景良辰纔過重陽又臨小春看芝蘭堦砌露滋佳

菊竹松園囿雲擁靈椿桃結千年萸留七葉龜遊鶴
舞鹿麋馴香風動聽笙歌迭奏聲遠梁塵功成定
國安民喜領袖群仙賀紫宸賜黃封御釀罇涵瓊液
天厨異饌盤簇奇珍綺席鋪張華筵羅列三台八座
集賢賓風光好有屏間孔雀閣上麒麟九月二十四日
浣溪沙 美人圖為王英題

針線慵拈出綉房金瓶水滿桂枝香侍兒擎捧過東
廂火樹珊瑚珠蓓蕾綵裙環珮玉玎璫太湖石畔
晚風涼

點絳脣

同前

裊袖垂肩髻鬟不整梳粧嬾瑤堦西畔步踏金蓮軟
鸚鵡能言行動相隨慣回星眼秋波不斷聽弄昭

華琯

南鄉子

愛月夜眠遲
畫為王傑題

今夕是何年
兔魄蟾婁兩闌妍
好是晚粧纔罷了
嬋娟正面相看
夜不眠
貪翫鏡光圓
不把琵琶理
斷絃要伴嫦娥閑
坐久留連一任銅壺玉漏傳

南柯子

掬水月在手
畫為王傑題

寶鼎香初爇
牙床枕未移
鏡光飛出照屏帷
忙殺隨群逐隊幾嬰兒
銀甲彈箏後
金盆掬水時
玉芙蓉

映碧漣漪好箇天生小樣影娥池

洞仙歌

壽神策衛張觀指揮

交春一月恰花朝又到出谷新鶯喜相報畫堂開捲
起綉幙珠簾風過處滿耳笙歌諠譟瑞煙飛寶鼎
絳蠟騰光遙見群仙競圖逸王母贈蟠桃秦女吹簫
麻姑逞擘麟纖爪勸滿飲金鍾壽筵前把一朵奇花
笑簪紗帽

鷓鴣天

環孫自金陵來省復回

遠自南京至北京纔留三月便登程憐伊跋涉來還
往嘆我飄零死又生身計拙世緣輕老來留得是

虛名到家親故如相問為說難忘戀戀情

畫堂春

賀王朝玉得子

天宮夜送玉麒麟門庭佳氣紛綸看來端是掌中珍
璧瑩珠純一種春風韻度十分秋水精神宜家宜
祖更宜親福壽增新

沁園春

陳士謙為予製吳山舊隱圖就題

歸去來兮南望吳山是吾舊居向烏龍潭畔松坡掩
映城隍祠後石磴縈紆翫賞湖光宜晴宜雨濃抹淡
粧西子如飄零久集別來寒暑三十年餘風塵兩
鬢蕭疎嘆俯仰乾坤一腐儒記橫經胄監曾傳魯史

曳裾王府得試齊等簿宦無成虛名有忌彈缺休歎
車與魚從今去要依棲先壘整理殘書

西江月 芭蕉

小苑亭邊影暗太湖石畔陰濃一函書信未開封斜
捲倩誰傳送陣陣偏宜夜雨聲聲不耐秋風何人
揮筆寫情棕湍面龍蛇飛動

搗練子 聞砧

深院宇小簾櫳斷續砧聲斷續風應是授衣時候到
勞心勞力月明中

長相思 初秋夜坐

風露清星月明坐看矢河如練橫鵲橋將次成
銀燈閱金經一炷心香相對清宿醒方始醒
炎

謁金門 涼夜

涼夜靜銀燭画屏相映雙鵲遠枝棲不定一道螢光
飛迸月魄半開金鏡獨上小樓閑凭萬里碧天如
水淨舉頭攀斗柄

南柯子 雨後觀漲

古驛東西路荒村八九家茫茫野水接天涯今歲漲
痕比舊較增些浪起漂萍實風來轉葦花數聲柔
艣響咿啞知是渡船搖過白鷗沙

菩薩蠻 得家書

燈花昨夜開紅藥
簷頭靈鵲雙傳喜
雲錦忽飛來
封緘手自開
但言長念憶
請問歸來日
掐指數歸期
今年真箇歸

西江月 七夕雨

牛渚暫停耕耒
錦機纔罷投梭
相期相見在銀河
共許一年虛過
草草神交意合
忽忽會少離多
淚珠拋作雨滂沱
略不從容些箇

阮郎歸 賀人納壻

門闌佳氣曉葱葱
香生羅綺風
屏開孔雀褥芙蓉
洞

房花燭紅 北閣內象床東赤繩先繫蹤共誇佳壻
玉為容冰清如婦翁

漁家傲 久雨喜晴

捲地西風驅暑去掃除雨後閑雲霧正值好秋當白
露晴景布仰天喜見陽鳥翥 門外青山山上樹相
看不改如前度流水滔滔連古渡凝望處東南是箇
還鄉路

西江月 紫薇花

池上芙蓉艷老庭中桂子香遲開紅簇簇滿高枝別
是一般富貴 標格共誇官樣英華獨占秋時試將

素手抓柔皮看道着他癢處

滿庭芳

戊申初度日迪迎諸姪置酒延欸

明日中元今朝初度恰交半月秋光碧天收雨霽色
現東方開戶拜瞻晴旭畫簷畔喜鵲雙翔炎威退金
風薦爽吹送桂花香華堂湯餅會勞伊衆姪拜捧
霞觴念連枝義重同氣情長醉裏不知為客指前路
便是吾鄉歸去也湖山佳處共賭紫羅囊

鷓鴣天

壽錦衣衛張軌指揮

公府潭潭氣勢高綵衣侍女錦衣朝柳營出令傳三
捷楓陛承宣運六韜登壽域聽仙韶笑簪黃菊賞

蟠奩明朝又是開壚節
畫閣圍春樂意饒

畫堂春

二首

題崔鶯故事

好風搖動拂墻花
西廂月射牕紗
画屏銀燭影交加
驚起棲鴉
舊約已酬心素
殘粧重整容華
千金一刻漏聲賒
此樂無涯

碧雲開霽雁南飛
黃花滿地芳菲
起携素手出羅幃
粉淚頻揮
暫把車停綉轂
仍將馬駐金鞵
少留行李惜分離
此恨誰知

賽舍以崔鶯故事画作春閨歡會秋郊惜別二圖
求題為製二詞俾書于上

滿庭芳

賀太師得子

芝室春濃蘭房漏永從來仙果生遲開花結實千歲
是深期知是高門積善故贏得福慶如斯天心順生
祥降瑞捧出玉麟兒良時先選定秋分應候景物
咸宜正桂香浮動接葉連枝豈但北堂添喜聽列屋
歡笑熙熙華筵上長歌慢舞同獻紫霞卮

鷓鴣天

賀張四指揮受官誥

彩仗迎恩出御筵官坊織錦五花金鬱葱佳氣生門
內絢爛祥光起日邊犀軸整玉函堅拜擊宣誦壽
堂前珍藏寶惜加持護子子孫孫百世傳

北曲

殿前歡 題趙太祖蹴毬圖

宋君臣戲場中龍虎會風雲拍肩把臂衣衫褪氣合
情親 衝開戰馬群喝破迷魂陣踢轉昇平運消磨
日月整頓乾坤

折桂令 送宣府前衛經歷王政湍帳

宦山城十載勛勞向幕府東偏小試牛刀無限心機
籌邊任重贊政才高 笑拜闕恰逢三考赴離筵遍
別群曹滿飲香醪再整朝冠重換宮袍

小梁州 同前

風吹行色馬蹄輕重去朝京
綵旗前導出嚴城
停鞭
鞭別酒要頻傾
陽關唱起持盃聽
一聲聲總是離
情
早寄將鱗鴻信
加官轉職拜舞受恩榮

殿前歡

賀李晟指揮壽

壽筵開畫堂中
酌酒飲金盃
群仙競赴蟠桃會
笑語聲諧
天生俊傑才
時遇乾坤泰
身在榮華界
今生受用
前世脩來

清江引 聚扇

雙環結成連理枝
舒捲隨人意
半輪秋月明
一片春雲賦
到手時
清風陣陣起

水仙子

二首

贈雍凱

五年相守，在邊城雪案螢窗，獨有情新來，陡覺書帷
靜。選揀去經堂，唱佛名，叫長街韻正，聲清綠柳院涼。
風動碧紗幮，夜月明倚繩床。為汝傾聽，五年相守，在山齋冒雨，來風獨往來。如今唱佛懸經，
袋即便是前時小秀才。按新腔音韻和諧，再把起香
茶盞重燒，將畫燭臺向良宵為汝開懷。

雍生凱從學五年，最為親密。今被選唱佛名歌曲，
每衆夜來過，輒為予歌數首，或留宿不去，嘉其情
義之篤，為製水仙子二首，俾度腔歌之，因以為贈。

清江引 對月獨坐

嫦娥笑人雙鬢絲
獨坐成何事
有詩誰共吟
有酒誰同醉
不如閉門兒早去睡

金字經 夜景

碧梧棲雙鳳
紫薇啼亂鴉
明月團團照幾家
咱悶來因甚麼
書窓下敲碁子落燈花

醉太平 妓館

風壚煖茶霜刀剖瓜
暗香吹透窓紗
是池中藕花高
梳髻鵝濃粧
臉霞玉纖彈起琵琶
問香醪飲麼

青哥兒 席上戲贈

將座上花氍鋪展把珠簾一齊高捲沽美酒開張玳
筵擁出神仙鳳髻微偏翠袖輕揎慢整花鈿款踏金
蓮開一點朱唇索吟篇題歌扇

小梁州

秋夜偶成

閑雲收彩暮天青河漢分明月鉤斜映兩三星華堂
靜燭影射銀屏小樓誰唱新行令響琤琤玉手調
箏睡起來推牕聽夜香燒罷午酒未全醒

折桂令

憶舊遊

記當時遊賞仙鄉共社友吟朋柳下花傍幾許歡蹤
春衫殢酒羅帕薰香佳備下遊湖画舫笑携將可

意名娼恣意踈狂戲採芙蓉驚散

晉天樂 離情

剔銀缸燒金獸山盟海誓兩下綢繆羅帶縫香囊綉
玉指親將衫兒扣湍勸金甌一聲好去一聲將息粉
淚交流

梧葉兒 別意

古道東西路荒郊長短亭夕陽流水聲酒盞頻頻勸
車輪慢慢行說不盡離情唱一曲陽關渭城

雁兒落 新秋

看青山暮藹高聽綠樹秋聲早喚村童採蕨薇約隣

友嘗瓜棗

德勝令 會飲

尾盡貯香膠味勝似紫葡萄顛倒烏紗帽淋漓白苧袍
陶陶盡醉後和衣倒滔滔笑傍人枉自勞

右北樂府十首己亥歲夏頒降佛曲從學諸生多
被拘集在官歌唱其於音律素所未習不免有杆
格之患為製北曲十首授之俾度腔按譜依聲依
永以歌焉庶或得其梗槩而音律克諧抑亦指引
之一助也是歲七月在保安城南寓舍

樂府遺音終

三十二葉